

湘綺樓日記

湘綺樓日記

同治十年辛未

十年辛未正月辛卯朔陰辰正雨水中起祠

三廟 文昌星 竈中雷畢受賀遣兩兒出賀鄰家食棗煎年糕早飯罷

鄰人老幼十三人來賀年留茶去縹緹以嚴怒待兒女節候當嬉戲皆凜凜然亦背之盜弄淘氣無所不至父子之道苦矣余欲助之威則下無以爲生欲禁之則下益玩法漢宣帝言亂我家者太子也慕爲賢明母而未得其術其患甚大故談宋儒主敬整嚴之學者其子弟率蕩佚敗其家聲若用以治國則天下大亂此豈豎儒所能知耶兒女旣屏息遠去予不可與妾相對遂臥一日至亥寢

二日陰早起見瓦縫微雪業已下牀遂盥著食年餠入東齋少坐見兒女

攤錢亦往看局至子寢

三日曉起大雪滿庭厚二寸許出賞雪百頃皎潔人迹殆絕非僻鄉不能
有此清淨琉璃世界也竹樹低垂草菜森挺冰雪能摧剛爲柔化柔爲
剛前人雪賦未及此命馬馳行三四里還妻兒女妾同攤錢余亦入局
至亥罷

四日陰雪未消常生來留飯刻字兩王生來旋去午飲三杯亥寢

五日陰晴常晴生及二從子來少坐而去游民假冒流人來乞食竟日始
去作儀安墓志成亥寢

六日晴雪半消夜又雪攤錢至丑罷卯歸寢是日雪春兩公送贐夜作書
復謝之

七日陰李福隆來夜算衡陽丁糧銀數不符作書寄春浦並送志橐夜至
子寢

八日晴閱舊唐書二卷趙隱張昺俱以子仕梁而得傳殆得斛米也李蔚

引名臣奏以諫飯僧尋入相守淮南太原有政聲崔彥昭

思文乾符初

稱善相奉母孝鄭畋字台文議撫黃巢後扞岐隴有重名盧攜舉宋威

不致遂欲激巢亂力倚高駢卒得罪自殺鄙夫也鳳閣王氏徽字昭文

權京尹有撫綏之效掌選無滯

三文補直鄭檄慷慨始議官巢謀豈不
臧攜也鄙夫釀寇促亡趙張庸庸藹有

諫蕭遘自命比李德裕爲同年所忌不屈於田令孜而召朱玫以致僖

宗奔播躁人也孔緯承命危難借李昌符五十緡而達行在亦致克用

之兵韋昭度將王建討陳敬瑄遂爲建所弄崔昭緯連藩鎮以傾之卒

自受殃張濬學鬼谷子因楊復恭以進後又欲假兵勢去之致李克用

之師然猶以重名爲朱溫所忌潛遣盜殺子格爲王建宰相鄭繁寄錢

廬州賊盜不犯楊行密乃送還京師繁好論時政而致宰相三月避位

猶知恥也劉崇望定楊守信之變弟哭麻以沮李谿而兄不食徐彥若

陸扆俱無相業扆差有識耳柳篋子以詩驟相而報怨興禍天假手於

昭宗也

劉遵比袁紹召林前驅昭相徐十將人亦不若識棋度俾相恥緯為邦師

牛乾寧好詩衣冠異域幽人誠李亂可舉融還立義李載義頗媚朝公兩卒制於鵠

燕李相善等取收功田死門匡威淫躁盜背城逆自憤張匡壽妻何實進女戎再允傾忠

樂彥禎授王弘義承業之國名勢威張孫軍吞鹽池乃途與晉陽等起賊徒河中反

澄清重榮處存爽二王朝葛列傳千朱里列威申南交養寇自困晚節

為妖青徐么馨草竊一王朝高駢時溥朱重列威申南交養寇自困晚節

世朝嫺阿審獨何犯詔武湊九名王檢開元如肅克外緒巧自慎優游巖懷恩太德平明懷母

貞承嗣延秀三思崇訓懿宗任奄登妻太平公主收緒章溫王仁懼靜吳忠

文輔國握立珠始典策旅朝恩觀容遂臨戎伍德倚寶文楊霍仙鳴復大總

恭崎嶇恭敢犯御搏除王搏星掩蔽反欲檢良吏傳以倦未果還內室攤

錢鷄鳴乃寢

九日晴攜璫盼二女至水邊蒸流盛長瀾然有春意還閱唐書二卷申泰

芝呂諲傳作奉芝唐代良吏多在刺史蓋非畿縣希專割斷也

治物守

所贊唐別畿赤外州劣縣大府之綱長司攸典高設按察使權攸顯
册三子並稱循選楊蒙九襄賈紀雙善張蕙權木嚴察爲淺高卹丞尉
庶乎知本惠登滌瑕隋歌來晚醕吏之興端在盛時始開夏侯端
最以掛百司李楊秉鈞羅繼其私毛敬裴畢技終不施醕吏傳

忠於武德有蘇武之節而仕隋清官勸人作反徒欲立名取官豈曰忠
義乎王義方名行有聞其劾李義府尤爲矯矯當別立傳尹元貞成三
郎爲周拒唐王同皎周憬但可爲俠蘇安恆敢言觸勢俞文俊越位懣
言王求禮可謂直節燕欽融與安恆同張介然崔無詖口上見殺有失
守之咎程千里生爲俘囚符璘降將反正趙曄患賊中早年張佖能守
臨洛庾敬休傳惟殺官階諸人並不宜入忠義傳張道源孝子李元通
陷賊自殺馮立謝叔方忠於所事安金藏以樂工贈兵部尙書封代國
公顏杲卿起兵拒賊薛愿與張許同功袁光庭獨保伊州高沐邵真石
演芬張名振能引大義甄濟潔身求免辛讜求救賢於南霽雲高觀李
愷盧奔

蔣清李公逸劉盛常達呂子臧張善相劉放儒亦孝子諸人皆宜別爲
賈直言飲鳩代父鳩灌於足事李師道劉愜能引大義

次敘舊史總載蓋當時宣付立傳者未能分別耳

劉守土响城六子致命

公逸張善相常觀張介然崔無敵束手未習軍政李恆盧奔危坐殺色

石伊伍胡賣女辛驢揮刃壯於南霽在潘引義甄濟平智士邵真高沐

俠以愧三合忠義傳戈馮謝不回樂工安金藏剖腹茅土自來表其義

于諫控鶴劉實識始終夜至子寢

十日陰晴檢書籍子泌來到館遣信要姚西浦不至留彭靜卿作陪申初

豐兒宵瑤二女入學舍菜酉設飲與子泌久談雞鳴寢

十一日陰晴子泌屬余點禮記兼牋異義自曲禮至玉藻十一篇常吉人

來留宿南齋得春甫晴生書福隆遣二人來撥錢與吉人子泌談夷務

子泌精於農田之事復論開墾事雞鳴寢

十二日陰晴治裝攜功兒赴長沙賀赤軒李福隆以龍燈來送行鄉人亦

以三龍來升堂而拜因悟郊特性及論語言鄉人儼朝服立阼存室神

也舊注以爲恐驚室神非也室神非厲鬼儼何能驅若非知禮之家不以朝服立阼豈室神盡驚而去耶存者存問之義鄉人儼必入廟入廟必有禮衆人以其誼譁草野多視爲兒嬉而不答禮故宜朝服立阼以示爲主不答拜者儼入廟本非賓客疑立俟之而已此非身歷不知余早年見儼入輒避去今年適相值見其入廟設拜故悟此義也是日留客飯八桌共六十許人擾擾竟日至申乃行廿四里入據江彭祠靜卿爲主人

十三日早晴後陰靜卿設食彭氏來陪者四人已乃行卅里至靈川寺道中游珍珠廣僧六人擊鐘鼓而迎余不拜佛以其盛禮不可不答亦作一禮然後與僧爲禮禮也靈川劉生談軍中舊事言陳玉成以數十萬之衆援安慶人結如餅礮轟旋合苦敵十夜而解自此賊敗矣不求戰略而虐用其衆未有不敗况狗盜乎主人燒四燭燭盡乃宿

十四日陰行里許遇在和及彌之家人得彌之芳畹書無非及其壻書仍遣信至家去行四十里至白果過趙氏藥店問梅卿同年云已入城復行十五里至鴉口鋪遇一王姓言相墓法

十五日雨添一夫行五十里宿石彎舊送與循詩所謂石彎雙折垂楊枝者也市人放花爆亦有節景

十六日雨挑夫病不能行五里至古塘橋訪翁佩琳於青石坤樹德堂借一力從梅龍巷取梅花渡越山行功兒騎導訪檢頭坤登蔡家嶺至外舅家已二更矣妻父小病余今日亦腹痛大作竟日不食連進薑橘湯二甌而眠是日丙午驚蟄節

十七日陰早起縹緲遣人送書來卽留來夫同行過訪李雲根丈至縣簿暮到志館遇萬鶴樓留夜飯喚船夜發一夜雨行四十里而曙

十八日雨午至長沙遣功兒先入城彌之遣人來發行李舟人王姓談三

河敗事滌菴驕氣爲之也未正至彌之宅少榻出尋四叔父因過訪篁仙文心皞臣正齋母夫人李仲雲兄弟叔父已移湘潭矣黔局亦不知何往使人如有朝市遷流之感皞臣病甚入室久談三李均未遇還過筠仙遇唐蔭雲左壬安言王孝鳳劾丁巡撫謀殺馬總督其詞不經還寓至四更乃宿

十九日雨晏起始沐仲雲來芝生黼堂篁仙健郎文心筠仙繼至遂盡一日談徐壽蘅薦余於朝而蒙顯責及馬總督事又擬論修通志事篁仙又云王司使欲一相見然未聞司使何日來訪余也篁仙又言其傲忤張力臣及力臣足恭之狀余甚疑之黼堂言劉御史卻八百金而保全其名己以銀二兩報之芝生言皞臣將於三四月招功兒往就學今暫寄彌之也夜劉仲卿來談託寄京信湖南九府四州廳其半無名人余亦不能訪求表章之未爲知好賢也愧甚愧甚因與筠仙論志事而覺

之書以爲它日之鑒

廿日陰彌之設薦余早出謁陳母左孟夫人及力臣還就席力臣芝生已先至文心筠仙繼至縱談莊子酒罷已暮全西園來答拜夜命非女作詞以燈前細雨檐花落爲題成一詞不佳余欲作未能也

廿一日晴晚陰出弔黃子壽楊朋海過文心飲東丈遣相聞約會於文心宅同坐者彌之力臣芝生論附洋舶事酒罷日西矣與力臣過筠仙處索莊子注筠仙盛許爲知言惜無副本不得留正旋回過仲茗見左母論遷衡陽左母不欲余揣其意戀仲茗也因先爲仲茗謀之而事果行坐頃之辭歸欲登舟而城閉還宿彌之宅羅秉臣自鄉來同居停於鄧氏少談各散作書與程春甫並寄家書

廿二日陰早起力臣來送滙票十七萬錢又餽贐白金二斤而辭曰助功兒膏火余前早與芝生讓坐以父子不同席遂坐芝生之上戲言今日

以子貴也今餽贐而曰與功兒故余謝之曰想亦以子富之義耶彌之設湯餅煎餅爲餞已食而行舟中雜客六七人有楊子爭席之效是日不發泊西門對岸

廿三日陰早行十五里泊三汊磯守風遣在和入城送書請彌之寄豐兒余本欲攜書疏入京點定因此船不可寫字洋舶更不必施筆研在京日無幾故不作著書之想讀莊子七篇一過夜早眠

本日會計此行入程撥銀八十兩常

撥百八十兩彭贈五十兩程贈廿兩外覓與廿兩張贈卅二兩計共三百八十二兩

廿四日陰雨行七十五里泊青牛灣午間過靖港在和來李荇仙片遣陳升來隨余至京以其京城人習北俗也得彌之細雨詞屬和鈔穀梁申

義三葉文心所屬也

廿五日風雨始雷守風青牛灣鈔申義五葉和彌之細雨詞睡鶴仙云

別愁

萋滿院正晚來疏簾和雨都卷春痕背燈見又煙絲碧潤露華紅斷滿
滿線線繞回闌寒輕夜淺被東風逗逗相思剛落檐花一片休縫紅

樓隔冷珠箔通光做成團怨天涯縱遠詩共酒儘消遣但西窗
剪燭東關對雪年時幾回相見好殷勤愛惜良宵莫催銀箭

廿六日雨仍泊青牛望鈔莊子序作書與筠仙文心彌之力臣

廿七日陰大風喚漁艇逆風行九十里夜至營田投竹老妹壻易子杰鹽

店中大雷雨雪已而大雨至夜半止

廿八日晴晨起肩舁行三里許訪殷竹伍於屯民段

屯讀若軍

見其長子三從

子及其從孫殊儒秀無村氣其三子默存贈余以詩早飯待至未又坐
至申辭而行竹老贈余食物及全穀副以錢二萬親送至營田市視余
登舟乃歸促舟人卽發行三十里泊琴岐望鄰舟有太子太保旗厚菴
子也又有一欽差大臣則不知爲誰

廿九日晴早行九十里欲泊鹿角入孫隴訪吳南丈舟子方將帆風余亦
念忽忽不盡懷俟歸途尋之遂行七十五里泊岳州府城岳陽門登城
樓觀新修工規殊不壯麗不知何用六千金也與道士談彭雪琴曾沅

浦謝磨伯道士又盛稱尙太守慶潮之美樓下刻石有李湮自陝甘督
楚自署星沙人余甚訝之及審視乃自督幕旋楚耳其人全竊張竹汀
之名號又欲督楚未聞楚督剿襲一御史之名也一茶而去登舟復發
行廿五里望江口正從西東進而爲洞庭前望澧口乃在湘西馬君以
爲江東至於澧誤甚矣澧口謂之布袋口在鹿角下五里江口今謂爲
荊河腦在陳陵磯下十里江去澧八十五里洞庭兩受之山海經所謂
九江之門卽君山扁山先秦人說九江蓋亦誤會禹貢東至於澧之文
耳余自甲寅至今凡七上岳陽樓甲寅十月十二月壬戌五月十二月
甲子九月乙丑五月今辛未正月
經十八年而皆獨游當乙丑歸時自以爲不復再至今復翩然來此古
今須臾可勝慨哉覽李竹亭刻石之詞輒作一首歸與道士刻之壁上

用辛稼軒摸魚兒韻云

問汀洲幾多芳草青遠黏天去少年兒女春
闌意又對流光重數留不住煙波恨遠巡踏遍

湖邊路憑闌不語待更不傷心此心仍似一點未飛絮人休訴梁燕舞還
悲歡總誤無情猶有癡妒愁來漫寫登樓賦未遇解人休訴梁燕舞還

只恐洞庭也化桑田土當年戰苦誰更詞成已行五十里至螺山鴨蘭
憶周郎謂雪琴風流盡在千古浪淘處

對岸也是日行二百四十里

晦日陰風頗寒早行五十里至新堤小停買米旋發七十里過石頭關小
石阜上刻赤壁二字憑篷遠眺感孫曹之戰孟德不先收南四郡從安
成醴陵襲豫章而欲先平勁敵故宜致敗然兵勢無常多以攻堅收功
者事後論事易爲識耳沿江碧草映天春色遠秀江魚肥美帆楫安閒
惜不得攜家閒遊一快情鬱也泛宅浮家人生之至樂但兒女累人他
日兩兒能當門戶終當一了此願不能效禽向步入五嶽有芟涉之勞
矣申初泊老磯頭汛兵云趙夾口去嘉魚縣城十里有水師坐船蓋都
守以下官也詢營兵知登岸見菜花蠶豆花其香撲人麥苗青青民居
垂柳嫩黃雞犬安靜有村居之適忘其頻年水患爲苦也是日行百六
十里

二月辛酉朔春分中晴泊小冷峽呼釐局驗船巡丁辭不敢上近日釐局
皆謙謹以改用官吏也余出游廿餘年未嘗以早春泛江今爲此行乃
知汀洲芳草傷心如此古今詩人豈欺余哉作小詩志之青草湖曲云

湖草最先春芳心自千里汀洲偶然望客恨連天水平生不省江南怨
柳眠花飛春始見誰知露葉煙絲中一水一隄情萬重平波隱隱隨空

曲極浦萋萋迷雨風湖光草色春相引扁舟暗又憶壬子二月朔日春
覺東風近行人來去莫相思天涯易盡愁難盡

分作小詩五首此時初聘臚緹故末章云正憶緋桃色無言解泥人云

云今廿年因效五代人四月十一小詞作女冠子云二月初一十九年
前今日正春分酒

綠香如霧懸紅暈作雲
了旖旎旖旎人惟有迷離夢暫留春是日行百六十里泊東瓜腦榜人

落水衣袴盡濕蓋余學道而好作綺語故以此相警也明當戒之李雲
丈昨與余言向老久靜不知七情爲何物余已能去恐懼惡欲矣而未
忘哀樂亦緣文詞爲障莊子所謂以香自煎也攜妾不障道殆非誠語
二日晴陰行百里至漢陽望武昌對江三城戍雄闊冠東南水陸形便宜

可建都而自古皆以江陵爲天府所未解也咏芝經營指揮坐致富強而身未終享官李庸庸居而有之天下以爲固然凡事顛倒何可勝道然鵬之運也則天池負風鳩之飛也則枌榆捨地庸人何能居大鎮彼視爲一城一牆兒女之閨房耳而余乃張大其形勢不亦過乎檣舟晴川閣下遣問許總兵前託春甫介紹爲覓洋舶書竟未達余又不喜見武人遂泊沔口南岸嘴步至漢口萬安巷訪程尙哉十二年不見老矣尙哉云鄭尙書已刑訊張文祥作海寇定案又言鹽務行引皆自下流逆輓不從便運蓋有深意當淮綱盛時川粵並不多產鹽余言當就場徵課尙哉慮竈戶數萬家失業余於鹽法未數數然不知何者爲長計也詢知李小泉已入覲廿六日陸行矣作家書兼致彌之夜間不眠鄰舟盜鐵錨去殊不聞聲

三日晴煖曉起眺望江漢作詩一篇遣在和買銅器至夷人信行定船作